

# ҚУВОНЧ УТКИНЧИ, МУСТАҚИЛЛИК АБАДИЙ!

# ЎЗБЕКИСТОН

1925 йилдан чиқа бошлаган

ЎЗБЕКИСТОН ЁШЛАРИ «КАМОЛОТ» ЖАМҒАРМАСИНИНГ ИЖТИМОЙ-СИЁСИЙ ГАЗЕТАСИ

2000 йил 9 август, чоршанба. №60-61 (14343)

## ИСТИҚЛОЛ ЙИЛНОМАСИ

\* 1999 йил 16 март — Самарқандда яна бир ўзбек автомобиль заводи «СамКўчавто» қўшма корхонасининг тақдирот маросими бўлиб ўтди.

\* 1999 йил 1 май — Тошкентда кураш бўйича биринчи жаҳон чемпионати очилди.

\* 1999 йил 9 май — Ўзбекистонда илк марта Хотира ва Қадрлаш куни байрам сифатида нишонланди.

«Камолот» ҳудуди

## ЁШЛАР ТАЯНЧИ



**Огоҳлик... Бу сўз бугун барчага таниш. Унинг замирида инсоннинг, юртининг, миллатнинг хавфсизлиги ётади.**

Ана шундай аниқ мақсадни ўз олдига қўйган республика ёшларининг «Камолот» жамғармаси «XXI аср ёшлари ва замонавий муслмоннинг асл қиёфаси» Дастури доирасида «Исломи дини ва ёшлар маънавияти» мавзусидаги кўргазмали семинар йиғилишларини республикамизнинг турли вилоятларида ўтказмоқда. Яқинда ушбу тадбир Андижон вилоятида бўлиб ўтди.

**Мазкур тадбирларнинг мақсад ва вазифалари ҳақида «Камолот» жамғармаси бошқаруви раисининг биринчи ўринбосари ҚАХРАМОН ҚУРОНБОЕВ:**

— Дарҳақиқат, жамғармамиз томонидан олиб борилаётган ишлар ёшлар маънавияти ва дунёқарашига асосланган, дейди. — Бизда тарбиячининг ўзи тарбияланган бўлиши керак, деган гап бор. Шу боисдан жамғармамизнинг вилоят, туман бўлимида фаолият кўрсатадиган масъул шахсларнинг диний билимга эга бўлишларини мақсад қилган ҳолда ўтказиладиган ҳар учрашувларимизда Вазирлар Маҳкамаси ҳузуридаги дин ишлари бўйича қўмита раиси раиси Фозил қори Собиров иштирок этди. Ёшлар маънавияти ва ислом дини тўғрисида кўпгина маърузалар тингланди. Натижасини ўрганиш бўйича тузилган «Хушёрликка даъват» ташвиқот гуруҳлари олти ой мо-

байнида вилоят бўлимида, туманлар ва ҳар битта қишлоққа кириб чиқилди. Бироқ биз кутган натижани бермади. Айтиш керак, Қорақалпоғистон Республикаси, Сурхондарё, Андижон вилоятларидаги аҳвол ачинарли.

— **Қахрамон ака, гиёҳвандлик ҳам асризмиз муаммоси сифатида барчани қийнаётми...**

— Гиёҳвандлик билан ким шуғулланыпти? Атрофга бир назар ташлайлик, кўпи ёшлар. Уларни бу йўлдан қайтариш осон эмас. Ота-оналар билан кўпроқ ишлашимиз керак. Чунки, фарзандни улар назорат қилади.

— **Ёшлар ўртасида ишсизлик муаммоларини ечишда «Камолот»нинг мақсад ва вазифалари тўла бажарилаяптими?**

— Ёшларнинг энг асосий муаммоси лоқайдлик. Ўз-ўзларининг ҳуқуқларини тўла билмаслиги натижасида ишсизлик муаммоси келиб чиқади. Ҳуқуқни билмай туриб, қийинчиликларга дош беролмай осонгина пул топиш йўлини ўйлашади. Оқибатда ҳар хил оқимларга кириб, ўзини ҳақман деб ўйлайди.

«Камолот» — ёшларнинг таяничи. Биз юртига фидойи, журъатли, билимли ёшлар учун ишлаймиз.

**«Туркистон» мухбири ЗИЁДА АШУРОВА сўхбатлашди**

Арафа

Инсон ер юзидаги барча мавжудотлардан ўз онги, тафаккури билан ажралиб туради. Онг эса уни изланишга ундайди. Бора-бора ҳазрати Инсон яратувчанликка қўл уради, кашфиётлар бунёд қила-

## ЭНГ БИРИНЧИ КАШФИЁТ

ди. Менинг назаримда, инсоният томонидан яратилган энг биринчи кашфиёт — бу Ватандир. Биз эса яна бугунги кунда, ҳар дам, ҳар лаҳзада уни янгидан кашф қилиб бораверамиз.

Шоир айтганидек, Ватанни фақатгина чиройи, бойликлари учун севиб бўлмайди. Уни бутунлигича ва бор вужуд билан севиш керак.

Озодлик сўзи ҳам камалакдай рангин ва жарангдор. Унга Ватан номи қўшиб айтилганда-чи?! Таърифга сизмас қўшиқ пайдо бўлади гўёки. Бу қўшиқни фақатгина юрт меҳри билан уриб турган юраклар кўйлайди.

Дарвоқе, дунёда юрт мустақиллигидан буюроқ нима бор?! Шундай экан, Истиқлол байрамини қарши олиш ва уни шод-хуррамликда нишонлаш — Бахт! Бизни истиқболда Бахт кутиб турибди. Бахт муборак бўлсин, ватандош!

Ориф Тўхташ

... Ойнадан ўпқалама

Бундан роппа-роса йигирма беш йил аввал Гиламбоп ва Истара даштларида ташкил топган, бу туман нега қоқоқлик гир-

## ҚОҚОҚЛИК ГИРДОБИ

добига тушиб қолди? Ё Қизилқумда бу ботқоқдан олиб чиқадиغان сарғайрат, ташаббускор ёшлар озми?


Туманда ёшлар учун иш ўринлари етишмаётганлиги ўз-ўзидан аён. Ёшларнинг асосий қисми қишлоқ хўжалиги, баъзилари эса тижорат соҳасида ишлаётганлик-

ҳеч қимни ташвишга солаётгани йўқ. Туман марказида кейинги беш-олти йил ичида бирор каттароқ бино қурилмаганлигидан ҳам аҳволни англаш қийин бўлмаса керак.

... Х.Эшонов номли хўжаликда ўнлаб ёшлар карта ўйнаб ўтиришганини кўрдик. Сабабини

(Давоми 3-бетда)

## ҲЕЧ КИМГА БЕРМАЙМИЗ СЕНИ, ЎЗБЕКИСТОН!



ҚИСМ АЙРИЛМАСМАН ҚУЧОҚЛАРИНДА — ВАТАН!

## ВАЗИЯТ БАРҚАРОРЛАШТИРИЛАДИ

Хабар қилинганидек, август ойининг бошларида Сурхондарё вилоятининг Тожикистон билан чегарадош тоғли худудларида нотинч вазият вужудга келди. Юзга яқин террорчи Ўзбекистон орқали Тожикистон худудига бостириб кириш учун тўплана бошлади. Хабарларга кўра, босқинчилар Афғонистонда махсус тайёргарлик машқларини ўтаган. Уларнинг мақсади юртимизда кўпорувчилик ҳаракатларини амалга ошириш, наркотик ва қурол-яроғ олиб ўтиш учун йўл очиш, шу билан нафақат мамлакатимизда, балки бутун Марказий Осиё минтақасида барқарорликка путур етказишдан иборат.

Ташқи ишлар вазирлигининг қабуллар уйида мазкур воқеа муносабати билан маҳаллий ахборот воситалари ва хорижий оммавий ахборот воситалари вакиллари учун матбуот анжумани ўтказилди. Унда Ўзбекистон Республикаси Миллий хавфсизлик кенгаши ва ташқи ишлар вазирлиги А.Комилов қатнашди.

Анжуманда таъкидланганидек, айни чоғда террорчи гуруҳлар Ўзбекистон ҳарбийлари томонидан қуршаб олинган. Босқинчиларни йўқотишда Тожикистон чегарачилари ҳам уларга яқиндан кўмак бераёпти.

Харакатланиш қийин

бўлган тоғли худудларда террорчиларга қарши курашиш осон эмас. Шунга қарамай, жангариларнинг даралар ва табиий ғорларда писиб юриши узоққа чўзилмайди. Таъкидланганидек, улар қуршовга олинган. Босқинчи тўдаларни бутунлай йўқ қилиб ташлаш учун Ўзбекистон Республикасининг Чегара қўшинлари, Ички қўшинлари, шунингдек, Мудофаа вазирлиги бўлиналари жалб этилган. Ўзбекистон ташқи ишлар вазирлиги шуни таъкидлар экан, жангарилар тез орада бутунлай йўқотилади ва вазият барқарорлаштирилади.

(ЎЗА)

## «ТУРКИСТОН» КУНЛАРИ

Ўзбекистон ёшларининг «Камолот» жамғармаси, Бухоро вилоят ҳокимлиги ва «Туркистон» газетаси тахририяти ҳамкорлигида шу йилнинг 10-11 август кунлари Бухоро вилоятининг Когон ва Бухоро туманларида «Нақшоро—2000» республика ёшлари фестивали доирасида «Туркистон» газетаси кунлари ўтказилади.

Мазкур тадбирда таниқли шоир-ёзувчилар, қўшиқчию ҳофизлар, эстрада хонандалари, спортивчию юдузлари, қизиқчилар, қизиқарли кўрсатувлар ва радиоэшиттиришларнинг бошловчилари, шунингдек «Туркистон» газетасининг ижодий жамоаси иштирок этади.

**«Туркистон» кунларига марҳамат!**

Фотоайбнома

## ЛОҚАЙДЛИК



Тошкентнинг Абдураҳмонов номи (собиқ София) кўчасида 1-шаҳар юқумли касалликлар шифохонаси жойлашган. Шифохонага кираришда бино пештоқига осилган ёзувни кўриб, кўзларингизга ишонмайсиз. Қайта ва яна қайта кўз югуртирасиз: «Тошкент шаҳар ижроия комитетининг соғлиқни сақлаш бош бошқармаси 1-шаҳар юқумли касалликлар клиника шифохонаси».

## ҚАЧОНГАЧА?..



Ёзув тепасида эса советлар тузумининг собиқ герби. Бу ўринда изоҳга эришганимиз, шифохона мутасаддилари бу остонадан ҳар кунни ҳатлаб ўтишга керак. Мамлакатимизда эрта-индин

Мустақиллигимизнинг 9 йиллиги нишонланади. Балким шифохона раҳбарлари ушбу байрамни муносабати кутиб олиш ҳақида бош қотиришяётгандир. Аммо...

**Мухаммад АМИН (ЎЗА) олган суратлар**

# ОГОҲ БЎЛИНГ, ОДАМЛАР!

ИСЛОМ КАРИМОВ:

Мен, эй одамзод, огоҳ бўлинглар, огоҳ бўлинглар, огоҳ бўлинглар, деб доим куйиб-ёниб даъват этаман. Бу гап эҳтимол баъзи бировлар учун ортиқчадай туюлар. Лекин мен огоҳлик, огоҳ бўлиш ҳақида гапирганимда бугунги ухшаш воқеаларни назарда тутаман. Нега деганда, бир бегуноҳ одамнинг ўлими — бу кечирилмас фожеа. Чунки инсон табиати ноҳақлик, зулмни қабул қилмайди. Аваламбор, Худонинг ўзи буни қабул қилмайди.

Ҳолбуки, бу тинчлик учун курашиш керак, бу тинчлик учун, айтайлик, зарур бўлса, жон бериш керак. Тинчлик учун инсон ўзининг бутун кучини, ақл-идрокини сафарбар этиб, ҳаракат қилиши, меҳнат қилиши керак. Бу ҳаётни ҳимоялаш керак. Ҳимоялаш деганда мен нимани назарда тутяпман? Тинчлигимизни ҳимоя қилишимиз керак. Келажак авлодимизни ҳимоялашимиз керак. Оиламизнинг тинчлигини ҳимоялашимиз керак.

Очиқ мулоқот

## УМР ЭЗГУЛИК УЧУН БЕРИЛАДИ

Ўзбекистон Республикаси Вазирлар Маҳкамаси ҳузуридаги Дин ишлари бўйича кўмига раисининг биринчи ўринбосари Шоазим Миноваров билан суҳбат

— Суҳбатимиз дин ва ёшлар маънавияти хусусида бўлгани сабабли, аввало, инсон маънавиятини шакллантиришда диннинг тугган ўрнига ўз муносабатини билдирсангиз.

— Маънавиятни шакллантиришда диннинг роли ҳақида сўз юритишдан аввал мен "маънавият ўзи нима?" деган саволга жавоб излашни муҳим санайман. Маънавият — бир нечта устунга қўрилган олам бўлиб, унинг биринчи устуни — маданият, иккинчиси — маърифат, яъни илм, учинчиси — жисмоний баркамоллик ва ниҳоят тўртинчиси — тақво, яъни диний эътиқоддир. Бу тўрт устуни бир-бирини инкор этмайди, аксинча тўлдирлади.

Диний эътиқод, гарчи шахсий масала саналса-да, диннинг асл моҳиятини аниқлаш маънавиятнинг юксалишида муҳим аҳамият касб этади. Зеро, эзгуликка, маданиятга бўлишга, илм ўрганишга, руҳ ва танни пок сақлаш ҳамда камолотга етказишга даъват Ислам динининг асосини ташкил этади.

— Ёшларнинг диний онини юксалтириш уларни турли зарарли оқимлар таъсиридан асрашда муҳим восита саналади. Ҳукуратимиз томонидан ушбу вазифа юзасидан қандай ишлар амалга оширилмоқда?

— Дарҳақиқат, бу жуда долзарб вазифа бўлиб, бу йўлда ҳукуратимиз бир қанча ишларни амалга оширмоқда. Жумладан, шу кунларда ўқувчиларга дин ҳақида ҳолис маълумотлар етказишни йўлга қўйиш мақсадида ўрта мактаб ўқув дастурларига махсус дарслар киритиш масаласи кўриб чиқилди.

Шу ўринда бир нарсани алоҳида таъкидлашни истардим. Аксарият ҳолларда "диний билим" ва "дин тўғрисидаги билим" тушунчалари тенг равишда қўлланилади. Аслида эса улар бир-бирдан фарқланади. "Фикр", "Ақид" кабилар диний билимлар саналиб, уларда исломий таълимот фойдалари ва ислом қонуночилиги талқин этилади. Республикада

дунёвий билимлар билан бир қаторда диний билимлар ҳам ўтилуви махсус ўқув юртлири — мадрасалар мавжуд. Дин тўғрисидаги билимлар эса дин ҳақидаги, унинг тарихи тўғрисидаги ҳолис маълумотлар саналиб, ёшларга айнан шундай маълумотларни етказиш зарур.

— Айрим кишиларда "диний экстремизм" тушунчасини фақат Ислам дини билан боғлаш кузатилади. Шу боис, дунёдаги бошқа экстремистик оқимлар ҳақида ҳам маълумот берсангиз.

— Аввало, экстремистик кайфият фақат ислом динини туғ қилиб кўтариётган оқимларгагина хос эмаслигини яна бир қарра таъкидлаган бўлардим. Зеро, биздаги кўп маълумотлар бу фикрни тасдиқлай олади.

Масалан, Африка қитъасидаги бир қатор мамлакатларда шундай кайфиятдаги диний секталар мавжуд. Улар ўзлари яратган динга эътиқод қилишлари оқибатида ўзларига ўт қўйиб юборишди. Бунинг боиси эса уларнинг "қийматда фақат ўз жонига қасд қилган кишиларнинг руҳига ором топади" деган ақидага суянишларидир. Шу йилнинг январидан бери шундай секталарга эътиқод қилувчи уч мингдан ортиқ киши ўзини қурбон қилган.

— Еки Франциядаги диний сектани айтишимиз мумкин. Яқинда "Сайентология" диний сектаси устидан ўтказилган суд жараёни ниҳоясига етди. Улар гўёки ҳозирги замон технологияларини тан олади, бироқ кишиларда кучли экстремистик кайфият уйғотади. Улар ичида ҳам ўз жонига қасд қилиш ҳоллари тез-тез учраб туради.

Ушбу фактлардан ҳам экстремистик оқимларнинг инсон онги учун ҳам, инсон ҳаёти учун ҳам хавфли эканини аниқлаш мумкин эмас. Ҳар бир киши диний эътиқодидан қатъий назар, умр инсонга эзгулик қилиш учун берилишини ҳамиша ёдда тутиши даркор.

"Туркистон" мухбири Маъруф ТОШУЛАТОВ суҳбатлашди

Оллоҳ қалбимизда, юрагимизда

## "ВАТАНГА МУҲАББАТ КЎР-КЎРОНА БЎЛИШИ МУМКИН ЭМАС"

Пойтахтимиздаги Хадичан Кубро номли аёл-қизлар Ислам ўрта махсус билим юрти 1993 йилда ташкил топган. Бу даргоҳда толбаларга диний илмлар билан биргаликда дунёвий илмлардан ҳам сабоқ берилади.

Тикувчилик, ошпазлик ва беморларга биринчи ёрдам кўрсатиш бўйича қўшимча касблар ҳам ўргатилади. Билим юртидаги таълим-тарбия жараёни билан яқиндан танишиш мақсадида муҳбиримиз билим юрти раҳбари Малика Нурмухаммедова билан суҳбатда бўлди.

— Истиқлол қадриятларимизни бугунги овоз ўзбекистон ҳаётига уйғунлаштиришга имкон берди. Муқаддас динимиз тикланди. Диний таълим оломқчи бўлганлар учун ўрта ва олий таълим ўқув юртлири

очилди. Эндиликда дунёвий билимлар билан биргаликда ҳақиқий ислом ақидаларини ўрганиш учун ҳам барча имкониятлар яратилди. Зеро, ватанга муҳаббат кўр-кўрона бўлиши мумкин эмас.

— Маросимларни албатта бир илми аёл — отин бошқаради. У йилган аёлларга панд-насихат қилади. Умуман олганда, бу табиий бир ҳол. Аслида маросимларга отинийларни тақдиф этишдан мақсад, аёлларга хос масалалар, оила ва бола тарбияси хусусида фикр алмашиш, эр ва хотин, қай-

## ХИЁНАТНИ КЕЧИРМАЙДИ ХАЛҚ

Бир донишманд йўл четида синиб қолган ниҳолни кўриб: "Аттанг, бу ердан ҳам бир Ватан хоини ўтибди-да," деган экан.

Хар ким умид билан боғ яратади. Хар битта ниҳолни кўз қорачигидек асраб, унинг улкан дарахт бўлиб ҳосилга киришини орзиқиб кутади. Кунлар ўтиши билан ниҳоллар гуркираб бўй чўза бошлагач, боғбонга ҳасад қилиб, у яратган боғга таъма кўзи билан суқланиб боқадиганлар ҳам топилди қолади.

Биз миллий мустақиллигимизни иддизи теран ниҳолга қиёс қиламиз. Мақсадимиз адолатли жамият барпо этиш. Дарҳақиқат, биз боғ яратмоқчимиз. Аммо, бизнинг орау-умид ва интилишларимизга раҳна солиб, биз эккан ниҳолларни юлқиб, суғуриб ташлаб, бу муқаддас боғни пайҳон қилиш қасдида бўлган қора ниятли ёвуз кимсалар ҳам йўқ эмас.


Юраги меҳр-муҳаббатга, эзгуликка тўлиб-тошган, диёнатли одамлар эккан ниҳол ҳеч қачон разолатга юз тутиб, жаҳолат қурбони бўлмайди. Унинг ил-

дизи она замин бағрига чуқур ботган. Томири бақувват. У донишманд халқимизнинг иймон-эътиқоди, соф виждони туфайли бино бўлган. Аксинча, ўзларини динимиз "жонқуяр"лари атаган ёвуз ниятли экстремистик ғуруҳлар куз келмай сарғайган япроққа ўхшайдилар.

Шуни ҳам ёдда тутишимиз керакки, ҳасад диёнатсиз одамларга хос иллатдир. Қай дилдан диёнат кўтарилса, хиёнатга қўл уради.

Диёнатли одам эса, ҳеч кимга, ҳеч қачон ёмонлик соғинмайди. Аксинча, бировларнинг меҳнати-ни кадрлаб, унинг эзгу ишларига мадакор бўлади. Хиёнатдан жиноят содир бўлади. Жиноят эса жазосиз қолмайди.

Сайфулло ТОҒАЕВ, "Туркистон" мухбири



Абадуғани элчилари

Абдуғани ЖУМАЕВ олган сурат

Ёшлик баҳслари

## И Л М ОЛИШ ФАРЗДИР

— Ёшларни турли зарарли оқимлар таъсиридан асраш учун нима қилиш керак, деб ўйлайсиз?

Сабоҳат БАЙРАМОВА, Тошкент шаҳри Хадичан Кубро номли аёл-қизлар ислом ўрта-махсус билим юрти 1-курс толибаси:

— Илм ўрганиш хайрли, савобли ишлардан ҳисобланади. Ёшларни турли зарарли оқимлар таъсиридан асрайдиган энг асосий восита ҳам илмдир. Баъзи тенгдошларимизнинг турли салбий оқимлар таъсирига тушиб қолишларига асосий сабаб, маънавий қашшоқлик деб ўйлайман. Илмнинг юксаклиги аллоҳларимизнинг асарларида ҳам ўз аксини топган.

## АДАШГАН БАНДА БИРОВГА ЙЎЛ КЎРСАТА ОЛМАЙДИ

— Диний-экстремистик оқимларга аралшиб қолган ёшларга нима деган бўлардингиз?

— Латофат РЎЗИЕВА, Сурхондарё вилояти Сарюсий тумани, Хадичан Кубро номли аёл-қизлар ислом ўрта-махсус билим юрти 3-босқич талабаси:

— "Ваҳобийлик" ёки "Ҳизбут-таҳрир" оқими таъсиридаги ёшлар ислом динининг моҳиятини, тарихини тушунмайдилар ёки уни бузиб талқин этадилар. Ислам аслида эзгуликка, тинчликка олиб борувчи диндир. Биз фозила, покиза аёллар ҳақида манбааларда шундай таърифу тавсифларига кўп маротаба дуч келамиз. "Уларнинг юзларидан нур ёғилади, нур шунчалик кучли бўлганки, қоронғу уйни ҳам ёритган..." Бу албатта рамзий маънода. Уларнинг юзларидан ёғилган нур илму урфон, маърифат нури, қоронғу уй эса жоҳил одамларнинг қалбларидир. Аллоҳ таоло азизу мукаррам қилиб яратган бандаларининг баҳоси бўлмайди. Лекин бандаси тўғри йўлдан адашса-чи, ўз ихтиёри билан ўз динини, имони, виждонини сотган бўлса-чи? Элига, юртига хиёнат қилса-чи? Энди у тенгқурлари олдида қилган яхши амалларидан ғурурланиб юролмайди. Улар диний ақидапарастларга кўр-кўрона эргашишини оқибати нималар билан яқун топишни бир ўйлаб кўрадиларми? Ўзи адашган бандалар бировга, яъни сизга тўғри йўл кўрсата оладими? Дунёда ҳар бир инсон учун она ҳам, Ватан ҳам ягона эканлигини улар тушунишмайди, тушунишса ҳам тан олмайди.

"Туркистон" мухбири Лола СОАТОВА суҳбатлашди

## ҚУДРАТЛИ МАНБА

Республикамиз Президенти Ислам Каримовнинг "Фидокор" газетаси мухбирининг саволларига берган жавобларини ўқир эканман, хаёлимдан жуда кўп нарсалар ўтди.

Одатда бирор мамлакатнинг куч-қудрати ҳақида гап кетганда, асосан моддий бойлиги — ер ости ва ер усти захиралари, тупроғининг унумдорлиги, сув манбалари, жуғрофий жойлашиш ўрни, табиий иқлими, заминда унадиган ноз-неъматларнинг тури, тайёрланадиган сановат маҳсулотларининг микдори ҳамда ҳарбий-мудофаа салоҳияти сингари кўрсаткичлар асосий мезон қилиб олинади. Давлатмандлиги ёки қашшоқлиги шу нуқтаи назардан белгиланади.

Игирманчи асрнинг иккинчи ярмига келиб жаҳондаги ривожланган давлатлар тақдирини эса бу тушунчани остин-устун қилиб юборди.

Миллий ғурури банд, тафаккур олами кенг, имон-эътиқоди бутун, чинакам ватанпарвар, фидойи, иқтидорли ва меҳнатсевар халқига мамлакатнинг асл бойлиги эканини, ана шундай фуқаролардан иборат жамият йўқни йўндиришга, бирни минг қилишга, илм-фанда ҳам, иқтисодиётда ҳам мўъжизалар яратишга қодирлигини амалда намоён этди.

Истиқлол халқимизга бебаҳо ва серқуёш, саҳоватли замимизнинг беҳисоб табиий бойликларига қайтадан эғалик қилишдек улғу саодатни ато этди.

Айни пайтда бу улғу саодатга муносиб бўлишдек масъулиятли ва муқаддас вазифани ҳам зиммамизга юклади.

Моддий бойликни асраш, авайлаш, қўлайтиришнинг бош шarti — ишбилармонлик, тадбиркорлик, меҳнатсеварлик, ҳалолликдир.

Бу фазилатларга эга бўлиш учун эса инсон, энг аввало, маънавий бой бўлиши лозим.

Мана шу ўринда зиддиятли бир ҳолат юзага келади.

Маълумки, мамлакатимизнинг моддий-молиявий қудратини, халқимизнинг турмуш фаровонлигини бозор иқтисодиётига асосланган ҳолда юксалтириш учун хорижий ишбилармонлар билан ҳамкорлик асосида сармоя ва замонавий технологияни олиб келишни талаб этади.

Халқимизнинг маънавий раванки, маърифий юксалиши омили бўлган миллий ғоя ва миллий мафкура эса ўз қадриятларимиз, урф-одатларимиз, диний эътиқодимиз, асрлар оша шаклланган ва даврлар синовидан ўтган шарқона инсоний муносабатларимиз замирида муҳасаммадир.

Бошқача қилиб айтганда, маънавий бойлик соҳасида ташқи кучларнинг кўмаги ва таъсирига муҳтож эмасмиз, аксинча, халқимиз ўзгаларга ибрат ва намуна бўладиган фазилатларнинг эгасидир.

Давлатимиз раҳбарининг ўз суҳбатларида Ватан туйғуси ҳамда она тилига муҳаббат масаласига алоҳида урғу берганлари, миллий, умминсоний, маънавий ва ахлоқий қадриятларни, диний эътиқодни, оила ва маҳаллани, маърифатнинг таянч бўлган халқимизнинг тарихини ва фалсафий меросини миллий истиқлол мафкураси қувват оладиган, бошқача қилиб айтганда халқни халқ, миллатни миллат қиладиган асосий манбалар сифатида алоҳида қайд этганлари бежиз эмас.

Чунки, ўтган тўққиз йил давомида миллий Истиқлолимизни сиёсий, иқтисодий ва маънавий жиҳатдан мустаҳкамлашда, демократик жараёнларни чуқурлаштириш, иқтисодий ислохотларни амалга оширишда, тинчлик ва барқарорликни, миллатлараро ҳамжиҳатликни таъминлашда, буюк келажакнинг ишончли пойдеворини яратишда айнан шу омиллар кўп маротаба дуч келди.

Дарвоқе, миллий ғоя ва миллий мафкура халқимизни миллий ва умминсоний қадриятлар, замонавий билим ва дунёқараши билан, айни пайтда эркин фикр ва ўзбекона ғурур билан қуролантиришнинг сарчашмаси, мамлакатимизнинг маънавий-руҳий қудратини, салоҳиятини янада юксалтиришнинг манбаи сифатида бугун тилга олингангани ва жиддий эътиборга сазовор бўлаётгани йўқ.

Бу хусусда Истиқлолнинг дастлабки кунлариданок фикр юритилган, кўзда тутилган мақсаднинг асосий моҳияти Юртбошимизнинг асарлари, нутқлари, маърузалари, оммавий ахборот воситалари вакиллари билан суҳбатларида такрор-такрор айтилганини ҳаммамиз яхши биламиз.

Хусусан, ўзбек халқи эришган тарихий зафар — Хурриятнинг дастлабки ўн йиллигига яқун ясалётган, жамиятимиз, сиёсий-иқтисодий ҳаётимизнинг барча соҳаларини эркинлаштириш, демократик тамойилларни янада чуқурлаштириш жараёнининг энг масъулиятли палласига қадам қўйган даврга бу маънавий аҳамияти янада ошганлиги, ислохотларимизнинг муваффақиятини таъминловчи кучга айланаётганлиги, давлатимиз раҳбарининг иккинчи нақирқ Республика Олий Мажлисининг биринчи сессиясида қилган маърузасида а соҳасидаги ислохотларни чуқурлаштириш вазифасига алоҳида урғу берганликлари ҳам бежиз эмас.

Бахтиёр РИЗО (Давоми бор)



